



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIABIERNE 18 DI FEBRUARI 1966

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"



ANKIE BRUIN REINA JUVENIL ARUBA

## NOS LECTORAN TA SCIRBI

Sr. Redactor,

Permiti mi usa un espacio chiquito di Bo courant pami laga Pueblo di Aruba sabi con Comité Juvenil di Carnaval a nombra e jurado pa eigi reina Juvenil di Auba.

Den Bo courant di Diasabra, 12 di Februari di 1966 a sali un comunicado di e Comité Juvenil y aki den ta para e.o. " e punto mas cuidadoso ta formacion di e cuerpo di jurado. Un persona independiente di e Comité Juvenil y di e Comité Central y tambe di e Clubnan, organizacionnan y scolnan, lo keda encarga cu e tarea pa scoge e miembronan di jurado etc. etc."

Tambe President di Comité Juvenil a informa serca Central Comité con e Comité aki ta forma e jurado pa eleccion di reina di carnaval di Aruba y detalladamente el a worde poni na altura cu e jurado es anja aki lo worde forma door di siete turistas cu no tin mas cu 24 ora na Aruba y di diferente hotelnan y tambe bapornan cu ta den waaf e dia di eleccion. Un persona cu no tin nada di haci cu e Comité Central ni ningun Club lo percira pa e jurado worde forma. Es dia di eleccion pa 12or di merdia e persona aki ta bai personalmente na e hoteinan of bordo di bapor pa escoge un jurado cu e dia nochi ei lo worde presenta na e President di Comité Central y dilanti di publico e jurado lo eligi e reina y ei dilanti mes un countant lo tuma e scoresheets y controlnan.

Diarazon anochi ora e miembronan di jurado a jega stadion mi a worde informa for di bon fuente cu dennan tin un pareha cu Diasabra promer, a balla henter anochi na un Club Social cu a presenta un candidata y tambe cu tin miembro di jurado cu tin mucho mas cu 24 ora na Aruba.

Mi a puntra diferente miembronan di Comité Juvenil ta con nan a scoge e jurado y ki regla nan tin, pero ningun no por a na mi un contesta concreto riba mi pregunta.

Como cu mi tin un yiu cu a representa Club Caribe, mi a reclama prome cu eleccion a tuma lugar serca President di Comité Juvenil y serca varios otro miembro di e Comité. Mi a hanja tende cu e pareha menciona ta keda na Cactus Inn y nan a worde nombra door di Sr. Lorenzo Arends, manager di Cactus Inn Hotel, y cu nan tin dos sinan na Aruba y tambe cu tur e otro tres miembronan di jurado tin 5 of 4 dia na Aruba, y e otro tres miembronan di jurado a worde nombra door di Sr. Cohen, manager di Strand Hotel. Den e tres miembronan aki tambe tin un pareha.

Mi kier a puntra Comité Juvenil ta pakiko nan no a tenenan mes na loque nan a scirbi den Arubaanse Courant y informacionnan cu nan a hanja for di Central Comité tocante formacion di e jurado???

a) Cu e formacion di e jurado a bai CUIDADOSO, esei no ta berdad y ta ganja Boso ta ganja Pueblo;

b) cu persona INDEPENDIENTE di Clubnan io keda encarga pa scoge jurado, tampoco ta berdad y e Pueblo a boibe worde ganja.

E nombramento di un di e parehanan no ta CUIDADOSO como cu un di e dos personanan aki riba menciona no por worde considera como un persona neutral y INDEPENDIENTE.

Si en futuro e miembronan di jurado ta worde forma mescos cu es anja aki door di Comité Juvenil, anto ta sigur lo ta soitamente un Club lo manda candidata pa competi.

Pa bienestar di Carnaval en general, e Comité Juvenil mester nombra e jurado e mes un sistema cu Central Comité a nombra e anja aki.

Mi ta termina y ta spera cu mi critica lo ser considera como constructivo y na bienestar di Carnaval en general sino lo bira cu ningun hende io bai stadion mas pa eleccion di reina di carnaval si nan sa caba cu for di antemano tin irregularidadnan den nombramento di jurado.

Jehny Oduber

Nota redactor: Carnaval Aruba Quo Vadis??

## ANKIE BRUIN CORONA REINA HUBENIL DI ARUBA

ORANJESTAD - Manera pagina uno di Arubaanse Courant di awe ta muestra, srta. Ankie Bruin, di Aruba Tivoli Club a keda corona diarazon anochi como reina juvenil di Aruba 1966. Un publico basta grandi a presencia e eleccion, cu pa un parti a satisfice e publico. Nan entretenimiento musical y un poco mas rapidez den e organizacion lo por a duna e publico mas cos di mira. E programa cu tabata anuncia pa cuminsa och'or a cuminsa un hora mas laat.

Ocho reina di edad te cu diez-siete anja a competi pa e titulo di reina di carnaval juvenil di Aruba.

E ocho bellezanan aki e lectornan lo por admira riba un otro pagina den e edicion aki.

E festividadnan di e anochi a ser habri pa e popular conjunto Curazolenjo "Perlas del Caribe" cu a duna un actuacion cu a worde masha aplaudi pa e publico.

Tambe e teenagersband local "The Golden Treasures" a actua na deleite di e concurrencia. Lastima cu e comite no a percira pa mas musica pa alegre e ambiente un poco mas. Cu e acostumbrado aplauso y ovacionnan, e publico tabata ricibi e ocho candidatanan segun nan tabata drentando den nan tujoso autonan.

Principalmente srta. Gwendolne Croes di Juliana School, a hanja un ovacion tremendo for di su amigonan di school durante henter anochi. Cu letternangrandi y riba nan flanelnan e colegialnan a propaga nan school den Wilhelmina Stadion.

Nan deseo di a mira e candidata di Jullanaschool worde corona como reina juvenil, sin embargo, no a ser cumpli.

E jurado, consistiendo di cinco persona for di exterior, a eligi srta. Ankie Bruin, kende tambe a cosecha basta aplauso for di su "fans" den camisetanan corra, e candidata di Aruba Tivoli Club. Riba pagina uno e lectornan por admira e hermosura di Ankie, manera e tabata iuci riba podium.

Continuacion riba pag. 3

# more



## MORE FANJETS

Every Trans Caribbean flight has the plane people want most. The DC-8 fan jet... the most powerful commercial plane in the air today. They climb faster and take off from shorter runways. And they fly faster. For instance, we set the record between New York and San Juan, Puerto Rico of just two hours, 27 minutes and 52 seconds, ground to ground. Top flight equipment, coupled with our personalized passenger service, are just two of the reasons why people are choosing Trans Caribbean to fly them to New York. And to Puerto Rico too. We are the only airline serving Aruba to Puerto Rico, non-stop, and each flight a big, powerful DC-8 fan jet. Make your fan jet reservations today. See your nearest travel agent, or in Aruba, call Trans Caribbean at 2700.




# TRANS CARIBBEAN

THE ALL FAN-JETLINE... GIVES YOU MORE

# STAFF DI CASINO DI HOTEL CURACAO SER DETENE

ORANJESTAD - Pa e lectornan di Arubaanse Courant nos kier a trece awe un informacion cu a sali den e diario "La Prensa" na Corsow, tocante e detencion di e rumannan Jake y Bill Kozloff, personanan cu ta maneha casinonan den diferente hotelnan, entre otro Aruba Caribbean Hotel y recientemente Curacao Intercontinental tambe. E informacion den La Prensa di ayera ta bisa lo siguiente.

## HERMANOS KOZLOFF A PASA ANOCHI NA WARDA

Na su yegada nos tabata tini e oportunidad di por a combersa cu Jack Bullick un ratu, y e conversacion a bai di e siguiente manera:

L.P. "Ta con ta meneer su nomber?"

Jack "Mi yama Jack Bullick"

L.P. "Di unda ta bini?"

Jack "For di Aruba"

L.P. "Quico bo ta haciendo aki?"

Jack "Mi ta wardando riba e yabi pa habri Casino"

L.P. "Ken tini e yabi?"

Jack "Mi ta kere cu Hotel tini e yabi, pero mi no sa"

L.P. "Ta abo ta encarga cu casino awe nochi, pero bo no sabi ken tini e yabi?"

Jack "Correcto"

L.P. "Quico ta pasando aki nan?"

Jack "Mi no sa"

L.P. "Paquico ta bini Corsow awe nochi anto?"

Jack "Mi quier a weta quico tabata pasando y con cos tabata bai aki"

L.P. "bo sa bini cu frecuencia bin weta con cos ta bai na Corsow?"

Jack "Si"

L.P. "Bo por sa na unda Srs. Kozloff nan ta?"

Jack "Mi no tini ningun idea na unda nan ta"

La Prensa si tabata sabi na unda e rumannan tabata. For di ayera mainta, ora cu Jake Kozloff y su señora a ser baha for di e avion cu tabata bai Miami, nan a ser detene na warda di polis pa ser interroga.

Tambe e otro jefenan di Casino Bill Kozloff, Jerry Cooper, un cierto Sr. Kip y un Sr. Gill a ser detene.

Un ratu despues di e combersacion cu Sr. Jack Bullick dilanti di e porta serra di Casino, e abogado di Kozloff y Jones a yega. Inmediatamente nos a acerca Mr. S.W. van der Meer cu ta representa e personanan aki.

Te ayera nochi e abogado no tabata sabi quico tabata pasando. El a pidi nos especialmente pa

bisa cu e rumannan Kozloff y e staff di Casino no tabata detene, sino cu nan tabata na warda di polis.

Di ningun fuente oficial nos no tabata por a haña confirmacion di quico a pasa exactamente, of paquico e dirigentenan di e Casino a ser detene.

Di fuentenan extraoficial cu generalmente ta bon na altura, sin embargo nos a ser informa cu parece un ex-empleado di e Casino, a bai polis y a haci cierto denuncia di irregularidades cu placa cu tabata tumando lugar den e casino.

E persona aki, despues di a haci su denuncia, a cumpra un pasashi pa e isla frances Antigua, caminda ta ser rumura e la haña trabau serca Bud Sweet, ex-concesionario di e Casino di Hotel Curacao Intercontinental, y persona cu actualmente ta encarga cu e casino na Bonaire y Antigua.

Tambe nos a ser informa cu un otro empleado di e casino tambe a presenta queho contra di e dirigentenan.

Awe merdia, promer cu nos courant a bai prensa, nos a bolbe pone nos mes den contacto cu e abogado di Kozloff, Mr. S.W. van der Meer, quende a splica nos cu no obstante e hecho di cu segun ley e tini derecho di bishita su clientenan awor, te ainda e no a haña e oportunidad di e autoridadnan policial pa haci esaki.


"Comprendemi bon", asina e abogado a bisa, "nan no ta nenga di laga mi weta mi clientenan, pero nan ta bisa cu nan lo yama mi back y esaki no ta sode".

Mr. van der Meer tampoco no por a bisa nos ta quico ta e acusacionnan cu Openbare Ministerie tini contra di e 5 personanan cu ta detene.

Awe mainta, un theeblaachi riba wiel yen di cuminda di Hotel Curacao Intercontinental a ser hiba pa un waiter di hotel, na warda di polis pa e cinco personanan cu ta detene por a desayuna.

Di parti di oficialnan policial, nan no quier duna ningun sorto di informacion, excepto di cu ta trata aki di cierto irregularidades den casino.

LA PRENSA lo continua cu su investigacion den e caso di e misterio di Casino di Hotel Curacao y nos ta spera cu mañan, nos lo



Riba e foto aki por weta con e porta di Casino a ser sella pa autoridadnan policial.

Continuacion di pag. 2  
algun minuut despues cu e vicepresidente di Lago, sr. J. Balenger, a coron'e como e reina di carnaval juvenil di Aruba pa 1966.  
Mas tempran den anochi sr. Robert la Fontaine, for di Bermuda, a corona srta. Alda Ponsom como e prome "Miss Brill" di Aruba.  
**DIA LIBER**  
Durante e eleccion di diarazon anochi den Wilhelmina Stadion e presidente di e comite central, sr. Milo Croes, a leza un telegram cu e comite a manda e anochi ey pa Staten di Antillas

Hulandes cu na e momento ey tabata reuni na Corsow. En vista di cu ni gobierno insular di gobierno central, segun e presidente di e comite, no a reacciona riba e peticion di e comite pa haci dialuna proximo dia 21 di februari un dia liber na Aruba, e comite a dicidi na manda e telegram na Staten cu e suplica pa e colegio aki haci su posibel pa e dia aki lo bira liber ainda, di manera cu e pueblo di Aruba lo tin un dia pa descansar despues di e parada grandi y e bailenan di e dia prome.

Saborea lo mehor



BACARDI

Esun Superior



Bai traha cu un sonrisa riba bo cara, sea bo ta traha pa bo pam di cada dia of pa pasa tempo....

pero cu herment cu bo por cumpra masha ventajoso na

**ANTILLIAN MERCANTILE**

Corporation N.V.

- \* Herment pa Metslá
- \* Herment pa carpinté
- \* Herment pa pipefitter
- \* Herment pa electricista

y hopi herment mas di bon calidad. Acudi un bez na

**ANTILLIAN MERCANTILE**

Corporation N.V.

Oranjestad  
Tel. 1145

San Nicolas  
Tel. 5635

## AVISO

Comandante di marinerskazerne "Savaneta", Aruba ta participa cu dia 19 di februari 1966 for di 07.00 - 14.00 or lo tin ehercicionan di combate riba terreno di California Aruba.

Maximo altura di es proyectiel lo ta 1000 meter.

E terreno peligroso riba lamar lo wordu marca cu bandera corra y borchinan di aviso.

E terreno peligroso riba lamar lo ta 5000 meter for di costa.

Pamela's Store  
di Schlachter  
Nassastraat 34

Nos baratillo di inventario ta continua, cu prijsnan enormemente rebaha, tambe pa tela nobo. Nos a coba di ricibi un surtido precioso di Linnen 100% den colorman liso y disenja. Cantidad di Nolveitjes, na prijsnan abou!



PRINS Lollipop

(na number di C.C.A.)  
**TA INVITA**

henter Pueblo awenochi di 7 - 12<sup>o</sup> or pa e "Old Mask Parade" door di San Nicolas. Steelband, Gruponan etc. Tur hende bin jump-up. Sigui pa baile den Orquidea Club. Entrada f. 1.-- Pa 10.30 or. Eleccion y coronacion Reina di Carnaval di Aruba Caribbean Hotel & Casino.



# RON REY DE COPAS

E RON TAN CONOCI Y GUSTA TA  
REGALA PA DIA 30 DI APRIL 1966

## ATROBE F.5000,--

ATROBE E CONCURSO ANTERIOR TABATA UN  
EXITO ENORME. PESEY NOS KIER COMPLACE  
NOS CONSUMIDORNAN ATROBE CU E "CINCO  
RUMANNAN" DEN NOS VITRINA DEN WILHEL-  
MINASTRAAT 47.

SIMPLEMENTE DUNA NAN UN BUNITUNITA NOMBER Y  
**GANNA PREMIOS!!**

SEMPER E FAVORITO  
**RON REY DE COPAS**

EL REY DEL TRAGO

... BIRA ALEGRE Y

RICO NA E  
MESUN TEMPUS

REGLANAN PA PARTICIPA  
DEN E GRANDIOSO  
CONCURSO:

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombrenan pa e cinco rumannan.
- 2) Entregá e formulario aki yená na oficina di Aruba Distilling Co., Wilhelminastraat 47 y percúra pa bo recibo, cu ta pega na e mes formulario, ricibi su stempel di entrega.
- 3) Warda dia 30 di april 1966 y cobra bo placa si e nombrenan cu bo a duna ta e nombernan favorecé.
- 4) E mes persona por yena cuantú formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombrenan escogi.
- 6) Exigi pa bo recibo tin un stempel di Aruba Distilling Co.

**NOTA:**

Directiva di Aruba Distilling Co. ta e unico responsable pa e scogemento di e nombrenan. E nombrenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.  
E premionan lo worde reparti segun e cantidad di personanan cu tin e mes nomber pa cada popchi cu a worde favoreci.



SEMPER E FAVORITO  
**RON REY DE COPAS**  
EL REY DEL TRAGO

**ARUBA DISTILLING COMPANY**  
WILHELMINASTRAAT 17 TEL: 1266

# CANDIDATONAN REINA JUVENIL



HORTENSIA WEBB  
*C. Francis Teeners*



IVONNE GRANGER  
*Spes Patriae*



FILLA SCHWENGLE  
*Orquidea Club - Runner-up*



GWENDOLYNE CROES  
*Juliano School*



OVALDINE DANIA  
*Curses Succes*



MARIETA CROES  
*C.J. Tanki Leendert*

### REMITIDO

Apreciable Señor Redactor:  
Permitimi un espacio den bo dia-  
rio tan lesa aki na Aruba, pa  
mi por comenta algo riba un pam-  
fleta cu Sr. Max Croes a parti  
den su capacidad di presidente  
di Partido Independiente Aruba-  
no.  
Sr. Max Croes ta comunica na  
pueb'o votador di Aruba cu ey dos  
otro señor a funda un partido no-  
bo cual lo yama Partido Independ-  
iente Arubano y cu e partido  
aki lo tuma parti na eleccion ve-  
nidero pa Staten, Pero na meso-  
ra Sr. Max Croes tambe ta par-  
ticipa pueblo cu e ta keda man-

tene su puesto den Staten a peti-  
cion di AVP. Es decir cu Sr.  
Max Croes ta sali for di AVP  
pasombra e no ta di acuerdo cu  
liderazgo di AVP, pero si e ta  
keda ocupa e puesto den Sta-  
ten pa AVP. Cu otro palabra mi  
kerido lector, Sr. Max Croes  
ke ta a la vez carni i pisca.  
AVP su liderazgo no ta bon y  
ta pesey Sr. Max Croes ta laman-  
ta partido nobo, pero si e ta ke-  
da mientras tanto bao e mesun  
liderazgo malo di AVP. Ta so-  
lamente un persona cu no ta sano  
lo por reconcilia cu tal pensa-  
mento.

Pero Sr. Max Croes ta bai mas  
leew. Den su pamfleta e ta bisa  
lo siguiente:

"Nos kier trece liderazgo nobo,  
unda tanto PPA como AVP a fa-  
ya". Cu Sr. Max Croes ta criti-  
ca cu PPA a faya no ta nada  
nobo pa pueblo, como ya etinco-  
mo ocho aña ta haci esaki caba.  
Mi lo no drenta aki den detaya  
ariba tur e critica sin base cu  
Sr. Max Croes a yega di lansa  
contra tur e proyectonan cu PPA  
a trece na beneficio di nos pue-  
blo aki na Aruba. Pero cu awor  
Sr. Max Croes ta constata cu  
mester liderazgo nobo como AVP  
a faya, si ta un sonido comple-  
tamente nobo. Cu esaki Sr. Max  
Croes a entrega su mes un carta  
di desrecomendacion serca e  
pueblo votador di Aruba. Pasobra  
unda Sr. Max Croes ta admitti

cu AVP a faya kier meen cu Sr.  
Max Croes tambe a faya, siendo  
e un di e componentenan promi-  
nente den fila di AVP, tanto como  
representante di pueblo den e  
partido ey den Elandsraad como  
den Staten. Pero no solamente  
cu Sr. Max Croes a faya den  
AVP, Sr. Max Croes ta sigui fa-  
ya como no obstante cu e ta de-  
clara di a lamanta un partido no-  
bo e ta keda ocupa puesto den  
AVP y consecuentemente mester  
sigui e politica di AVP cu se-  
gun su propio declaracion a faya  
y ta fayando.

Ta duel mi pa Sr. Max Croes,  
pero mi ta kere e lo a haci me-  
hor di no bini cu partido nobo  
cuminzando cu un declaracion cu-

el a faya caba como un lider po-  
litico. Cu e pamfleta aki sr. Max  
Croes mes a declara di ta un  
fracaso politico, mescos cu su  
gran lider di AVP.

Un Votador Conciente.


**FATUM**  
Pa tur bo aseguran  
Tel. 1845

LABA? DRYCLEANING?  
**'SUPERCLEANING'**  
van Galenstraat 4, San Nic.  
Aruba.  
tel. 5039 & 5558  
Nos ta busca y entrega Bo  
panjanan. Bachi, carson,  
camisa, shimis, etc.

### INAUGURACION DI UN SERIE DI CONSULTA

NUEVA YORK--UPI--Sociedad  
di administracion comercial di  
Estados Unidos io inaugura dia-  
razon awor un serie di consulta-  
nan pa explora campo di nego-  
shinan e inversionnan na Me-  
xico.  
Na e deliberacionnan aqui cu io  
tuma luga den un hotel dje ciu-  
dad ei durante e dianan 21 pa 23  
dje luna aqui lo asisti varios  
hombenan di negoshi di Mexico  
Yglesias, encabeza pa Manuel Espinoza  
Yglesias, president di sociedad  
di banqueronan na Mexico.  
Proposito dje reunion aqui tin co-  
mo obheto pa fomenta e comercio  
e inversionnan na Mexico. Den-  
ter di e temanan cu ta bai trata  
ariba nan ta tene cuenta tambe cu  
sostenimiento dje tipo actual di  
cambio dje 12,50 peso mexicano  
pa dollar, contra dje presion-  
nan inflacionaria i diferente plan-  
nan mas pa promocion dje indus-  
trianan.  
Ademas di Espinoza Yglesias lo  
tin presente tambe na e reunion  
aqui diferente otro representan-  
tanen di comercio e industria  
Mexicano.

### CISCO KID



PEPITA pa cortesia di NEME IMPORT & EXPORT CO. agente di Ford  
"E auto cu estilo completo ta bini di FORD"



# Despues di nos prome baile

Pero esun cu a gana e batalla,  
tabata esun sintá nan dilanti, cu no  
a kita su bista for di Nora. El a  
jega como esun di promé na e  
mesa. Senjorita Justine ta haya,  
cu e homber ta igual cu ora un  
prinses sonja di su prins.  
E tin cabey blond, schouder  
hancho un flus blsti, cu ta keda  
masha bon. E parece un homber cu  
ta gusta deporte, masha hopi.  
Pero alaves su frenta halto ta  
mustra cu e ta inteligente y tin  
bon cabes tambe. Senjor Bock-  
hold ta lanta y ta menciona e  
number di su colegia.  
E tres damasnan na mesa no a  
tende muho bon, como net e ora  
e orkesta tabata toca duro.  
"Permitimi pidibo pa balla cumi,  
senjorita", e joven ta puntra.  
Su stem ta pas excelente cu su  
exterior fascinante. Su stem ta  
poco pisa pero alaves masha tier-  
no. Pa un hende asina, un mucha  
muhe mester tene cuidao, e ta pe-  
ligroso, Nora ta pensa. E ta irri-  
ta su mes, como cu di repente su  
curazon ta bai mas duro cu cus-  
tumber, principalmente ora cu el  
a duna e homber un man.  
For di ki tempo e ta un di e  
muchu muher bobo, cu ta laga  
un homber cu bunita exterior,  
hasi su cabes tolontra, awe es-  
aki a sosode pa prome biaha.  
Ademas e ta balla masha bon  
tambe. Nora no sa balla bon, y  
mayoria di biaha e no por coy  
e pasonan lihe tampoco, pero

ballando cu e mucha homber aki,  
no a resulta asina dificil. Kizas  
pa prome biaha den henter su  
vida, el a sintie asina goza ba-  
llando cu un mucha. E no tin  
nada di preocupe, pasobra su part-  
ner ta percura pa hibe bon riba  
maat. Lentamente, un poco sin  
smaak, Nora ta hiza su-wowonan  
y ta mire den su cara. Awor e  
por mira su cara hopi serca, y  
e homber tambe ta keda mire.  
Su wowonan ta colo blauw cla,  
cu un superioridad sonriente den  
nan, manera un hende cu sa ma-  
sha bon, cu no tin ningun mucha  
muhe cu por resisti contra dje.  
E no ta bisa nada. Tampoco e  
no ta haci ningun esfuerzo pa cu-  
minza un combersacion cu Nora,  
manera ta custumber ora cudus  
hende ta ballando. E ta sintie  
satisfecho si e por keda mire.  
Nora ta contento cu e pieza a  
termina. E ta hala rosea pisa,  
ora cu nan ta stop di balla y  
keda para dilanti otro. "Masha  
danki", e homber ta bisa. "Bo  
ta balla masha bon, senjorita,  
Bo ta permitimi balla e otro pie-  
za cu bo" No, Nora ta pensa, mi  
no mester hacie. "Si", su stem  
ta bisa, mucho mas lihe cu e por  
pensa.  
Pero mesora di rabia e ta morde  
riba su lipnan. Ora cu e keda  
mira e homber, e ta ripara cu  
esaki ta sonriendo. E ta sinti cu  
e homber sa kiko e ta pensando,  
y tabata un sentimento fastioso.

"Bo kier busca algo pa mi bebe"  
e ta puntra. "Cu gusto senjori-  
ta! Kiko bo ta desea"  
Sin puntra e ta coy Nora su man  
tene, y ta hibe na e bar, cu ta  
bata jen di hende caba, Mesora  
e bartender ta pone dos gias nan  
dilanti, y e homber a coy nan ma-  
nera cu e tin custumber, cu unda  
e presenta, nan ta bin sirbie me-  
sora. Ni siquiera e ta jama dan-  
ki pa e servicio rapido, Y Nora  
ta sintie irrita pa esey. Pe apa-  
rentemente exito ta algo masha  
normal. Tin hende cu ta nace  
cu suerte, y nan no tin mester  
di hasi esfuerzo pa alcanza nada.  
E no ta haya e clasa di hendenan  
ey mucho simpatico. "Mi ta  
brinda riba bo salud, senjorita,  
y tambe riba un anochi bunita  
manera esaki". Bebiendo e ta hiza  
su wowo y ta keda mira Nora.  
"Mi no por a sospecha, cu den  
nos ciudad ta existi un bunita mu-  
cha muher manera bo", e ta  
bisa. "Mi ta contento tambe, cu  
mi a haya oportunidad pa topa cu  
bo, como mi no kier a asisti na  
e baile, pero cu mi no sa preo-  
cupa cu semehante festividadnan.  
Pero awor si mi ta contento, cu  
mi a bin". Nora su cara ta bira  
corra, ora cu e tende tanto com-  
pliment asina. E ta sintie fastio-  
so cu e mester bira corra, pero  
no por yuda tampoco, e ta bin  
di su mes. Ta kiko e homber lo  
bay pensa di dje! "Bo no a pidi-  
mi pa nos balla e pieza aki"

e ta puntra, ora cu e orkesta  
a cuminza toca un tango. "Ya  
mi ta alegre mi mes caba". E  
ta coy Nora su gias, pone riba e  
bar, y ta hibe riba e pista di  
baile atrobe. Ta mi imaginacion  
of ta berdad, cu e ta tenemi mas  
duro cu prome, Nora ta pensa. E  
joven ta zak su cabes y ta hala  
mas pega cu esun di Nora. E ta  
murmurando e cantica den Nora  
su orea. "Dama encantadora, na  
unda mi por hayabo"  
Bo a conquistá mi curazon na  
primer vista y bo....." "Bo tin  
bon memoria"? Nora ta bisa pa  
asina libra su mes di e encanto  
di su stem. "Si bo por corda tur  
cos mes bon cu e tekstonan..."  
"Wel, tin otro cos tambe, cu mi  
sa recorda masha bon", e ta con-  
testa sonriente. E homber aki  
no tin berguenza, Nora ta pensa.  
"Pasobra casi sigur e kier meen  
sunchimento. E ta sintie contento,  
ora cu e ta sinta atrobe riba su  
stoel. Senjor Bockhold ta sonrei  
na grandi, ora cu Nora a cay sin-  
ta. "Nos colegia sa balla bon",  
e ta bisa na un tono paternal".  
"Pero tene cuidao cu ne, pasob-  
ra e ta un Don Juan puro".  
"Hombenan manera e, no por  
bira peligroso pa mi"? Nora ta  
bisa. "Ami io no corre bisa  
esey asina liher", senjor Beck-  
hold ta bisa serio. Despues e ta  
pidi Senjorita Justina pa balla.  
E sirvienta di famia Hartung su  
cara ta bira corra. Ki dia ta-

bata tin un caballero cu a preo-  
cupa cu ne Brigitte ta para ta  
papia na e bar cu un homber di  
edad mediano. E ta hariendo, pe-  
ro hasta di e distancia Nora por  
ripara cu e sonrisa ta forza. Di  
repente Nora ta cuminsa sinti  
miedo. Corda si Brigitte su plan  
ta na serio.  
Pero mesora e ta bolbe franki-  
liza su mes. E conoce su amiga  
muho bon, pa kere cu e ta cap-  
as di haci algo asina. Pero Nora  
no conoce e desesperacion, cu ta  
tormentando curazon di senjori-  
ta Leander, Brigitte kier haci  
solamente su obligacion, ora cu e  
entretene su mes cu e homber  
stranjo ey flirt cu ne, haci  
manera cu e ta gusta balla cu ne  
masha hopi. El a descubi den  
un combersacion, cu e homber  
aki ta masha rico. Pero nunca e  
por a sospecha, cu ta asina difi-  
cil pa hunga comedia.  
Su karakter honrado, no ta pas cu  
e sorto di hipocresianan. Pero  
e mester hacie, no tin otro mo-  
da di hacie. E ta sintie culpable  
serca su mayornan, e mester paga  
nan bek pa tur loque nan a haci  
pe.  
Nora ta ballando atrobe cu e  
homber, cu a impresion asina  
tanto. Te alnda e homber no ta  
papia muho cos, kizas e ta in-  
teligente y pesey mes e no ta cu-  
minza papia di biaha.

**RIP KIRBY**

Agente exclusivo di

**FRIESCHE VLAG**

lechi evaporado y lechi en polvo

pa cortesia di:

**JAN BODEGOM & CO (ARUBA) N.V.**

**MAXWELL HOUSE KOFFIE**



**DICK TRACY**

presenta pa cortesia di:

**VICTORIA BOTTLING COMPANY**

**PEPSI-COLA---SEVEN UP---GRAPETTE-KIST--- VICTORIA SODA WATER---  
BUFFALO ROCK--GINGER ALE**



**BUCHI ROBES**



**BOTICA DI WARDA**

NACHTDIENSTEN: Oranjestad  
Botica Del Pueblo Tel.: 1253-2154  
San Nicolas Botica San Lucas  
Tel.: 5119

**SERVICIO MEDICO**

DOKTERSDIENSTEN: Oranjestad  
-Noord 12/13 Febr. Dr. W.J. Englebrecht Tel.: 1522  
San Nicolas-Sta. Cruz-Sav. 12/13  
Febr. Dr. C.E. Zaamdram Tel.: 5148.

**VOZ DI ARUBA**

- 5.57 Apertura
- 6.00 Wake up easy (Country music)
- 7.00 Escala en Mejico
- 7.30 Noticias (Papiamento)
- 7.45 Monitor 1325
- 8.15 Noticias (Ingles)
- 8.30 Regalo Musical
- 10.00 Novela
- 10.30 Fantasia Musical
- 12.00 Musica Europea
- 12.15 Noticias (Hulandez)
- 12.30 Noticias (Papiamento)
- 12.45 Melodias Instrumental
- 13.00 Noticias local (Papiamento)
- 13.15 Artistas Antillanas
- 14.00 Via 10 musical
- 15.45 The chatter platter
- 16.15 Noticias (Ingles)
- 16.30 Complacencias felicitaciones
- 17.00 Ban Econ. Cump. na La Esperanza
- 17.30 Deporte na Marcha
- 17.45 Atardecer Musical

- 19.00 Noticias (Papiamento)
- 19.15 A.B.C. Der Cultuur
- 19.30 Turntable 65
- 20.30 Voz di Aruba Safe Driving Car Club
- 23.00 Clausura.

**RADIO KELKBOOM**

- 07.00 Opening
- 07.02 Bon dia cu Alegria (Instrumental)
- 07.30 Noticia International
- 07.45 Musica Matutino
- 08.00 Seleccion Musical cu disconan Latino Americano.
- 08.30 Cumpleanjos Feliz
- 09.00 Noticia Social
- 09.15 Musica Varia
- 10.00 Noticia International (Tennent's St.)
- 10.15 Ritmo Latino
- 10.30 Programma di N. Habibe Jr.
- 11.00 Noticia Local.
- 11.10 Intermedio Musical.
- 11.15 Musica Antillana
- 11.30 Ritmo Latino
- 12.15 Noticia International
- 12.30 Musica Norte Americana
- 12.45 Noticia Local (Viana).
- 01.00 Musica Varia
- 01.30 Mei ora cu Boleros.
- 02.00 Noticia Local (Resumen)
- 02.10 Cantares di Caribe.
- 02.30 Verzoekplatenprogramma ripticcion
- 03.00 Noticia International.
- 03.15 Programa Juvenil.
- 03.30 Ritmos di Caribe
- 03.45 La Macorisana & International Sup.
- 03.55 Musica cu sabor Azteca.
- 04.30 Noticia Local (Heineken).

- 04.45 Cocktail Musical
- 05.00 Programma di teenagers
- 05.30 Musica Varia
- 06.00 Noticia Deportiva
- 06.15 Musica Varia
- 06.30 Musica para la cena
- 06.45 R.V.D.
- 07.00 Noticia
- 07.15 Musica Hulandes
- 07.45 Musica Norte Americana
- 08.15 Peticion pa telefon
- 09.15 Vuelve el Ayer
- 10.00 Sluiting.

**RADIO ANTILIANA**

- 5.30 Apertura y Oracion
- 5.35 Manianita Arubanas
- 5.45 Melodias di Wild West
- 6.10 News in English
- 6.30 Noticia na Papiamento
- 7.00 News in English
- 7.30 Noticia na Papiamento
- 7.45 Programma di Jule Nieuw
- 8.00 Espacio pa un Ritmo Criollo y un poesia
- 8.10 Variedad Musical
- 8.30 Musica y consejo dedica na tur nos amigonan automobilsta
- 9.00 Noticia na Papiamento
- 9.15 Musica Norte-Americano
- 9.30 Mejico cantando via Radio Antiliana
- 10.00 Intermedio Musical
- 10.10 Noticia na Ingles
- 10.20 Programma di La Macorisana & International Supermarkets
- 10.40 Momento di Ritmo
- 11.00 Tur dia otro programma
- 11.00 Musica Colombiana
- 11.15 Voznan Popular
- 12.00 Oracion di merdia

- 12.03 Seccion Informativo
- 12.20 Noticia na Papiamento
- 12.30 News in English
- 12.45 Capsulas En Orbitas alrededor di Mundo Deportivo
- 1.00 Noticia na Papiamento
- 1.20 Fiesta Calypso
- 3.00 Musica Norte-Americano
- 4.00 La Esperanza y su Obsequio Musical
- 4.30 Variedad Musical en Complacencias
- 5.00 Noticia na Papiamento
- 5.30 Calypso Rama - Budweizer
- 5.45 Musica Chevere
- 6.00 Variedad Musical
- 6.15 Musica Colombiana
- 6.30 Noticia na Papiamento
- 6.45 Variedad Musical
- 7.00 Felicitaciones y Complacenciacion eticiones
- 7.45 Programa di Jule Nieuw
- 8.00 Programa di Club Bonaireano - Club Surinam
- 8.15 Continuacion di Fel. y Compl. Peticiones
- 8.30 Reddy Kilowatt
- 9.00 Desfile di Exitos
- 10.00 Anloranzas
- 10.30 Impactonan Musical
- 11.00 Melodia y Romance Musical
- 12.00 Clausura

**RADIO VICTORIA**

- 6.00 Apertura & Musica di Banda
- 6.15 E Bijbel Habri
- 6.30 Ultimas Noticias
- 6.45 Peticiones

**FOR CUMPRAR ARUBANES COURANT NA E SIGUIENTE LUGARAN:**

**NA ORANJESTAD:  
BOEKHANDEL MARIKA,  
PIET SODA FOURTAIN,  
REFREQUERIA DIGNO**

**NA SAN NICOLAS  
NICOLAAS STORE  
UNION STORE.**

- 7.00 La Biblia Abierta
- 7.15 Noticias Español
- 7.25 Llamada a la Conciencia
- 7.30 World News
- 7.45 Christian Emphasis
- 7.50 Bo Musica Favorito
- 8.15 El Camino de Victoria
- Joyas del Hogar
- 8.30 Ultimas Noticias
- 8.45 El Pan de Vida
- 9.00 Mundo Femenino
- Gymnasia
- Joyas del Hogar
- Canta Leo
- 9.15 El Sendero de Vida
- Canticanan di Evangelio
- Corazon a Corazon
- 9.30 Morning Melodies
- 10.00 The Bible For You
- 10.05 Band Music
- 10.15 Organ Melodies
- Thoughts on Home
- Sacred Songs
- Gospel Bells
- Sacred Classics
- 10.30 Through the Bible
- Songs That Touch The Heart
- 11.00 Chapel of the Air
- 11.15 Delicados Pastos
- Canticanan di Evangelio
- 11.30 Melodias di Merdia
- 12.00 Ultimas Noticias
- 12.15 Musica Sagrada y Meditacion
- Sacred Music & Call of Calvary
- 12.30 World News
- 12.45 Quiet Time
- 1.00 Radio Concert Hall
- 2.00 Reading Room
- Hour of Decision (repeat)
- 2.15 Quiet Hour
- 2.30 Dr. Barnhouse and the Bible
- Bible Study Hour
- 3.00 Ensueños Musicales
- 3.30 La Hora Bautista
- Control Central
- Bo Pregunta Contesta
- Prosa Y Poesias
- Vida Nueva
- Titanes de Fe
- 3.45 Academia Cristiana
- Melodias del Alma
- 4.00 Musica di Banda
- 4.15 Ultimas Noticias
- 4.30 Listening Post
- Fun With Music
- 4.45 Sallor Sam
- Muchanan pa Cristo
- Children's Gospel Hour
- Fun With Music
- Music BOX
- Hobentud Pa Cristo
- 5.00 Vertel Uurtje
- Canta Leo
- E Ora Aventuroso
- Melodias del Alma
- Informacion di Gobierno
- 5.15 Palabranan di Bida
- 5.30 Ecos del Cielo
- La Voz del Evangelio
- 5.45 Musica Sagrada
- 6.00 Nederlands Nieuws
- 6.15 De Groene Weide
- Christelijke Liederen
- Christus tot de Volkeren
- der Aarde Gebracht (herhaling)
- Voor Zijn Glorie
- Windows on Holland
- 6.30 World News
- 6.45 Lago Hour
- Baptist Hour
- Miracles
- Musical Interlude
- Haven of Rest
- Issues in the News
- 7.00 Organ Hymns that Live
- Sacred Songs
- 7.15 Off the Record
- 7.30 Miracles and Melodies
- Bible Time
- Light and Life Hour
- Haven of Rest
- Unshackled
- Showers of Blessing
- 7.45 Psychology for Living
- Look Up and Beyond
- 8.00 Musical Gems
- 8.30 Back tot the Bible
- 9.00 Klasseke Musiek
- 9.15 Dagsluiting
- 10.00 Sign Off